



第 89 期

本刊作品如有涉及時評者，乃作者個人意見，與華府詩友社立場無關。

編輯順序：原則上，本刊之編排順序為詩（近體詩之七律、五律、七絕、五絕；古體詩）、詞、曲、簡體詩詞（現代詩詞）

汪中挽詞

陳新雄

初聞噩耗五雷轟。酒國詩城夢亦驚。
十幅擘窠書滿壁，一生知己意難平。
昭明文選才情茂，藝苑英華筆硯橫。
翠笛昨宵吹落月，從今怕聽管弦聲。

步出山林

張暢繁

山鳥輕啼萬木蔥。穿林兩里見藍空。
岩邊靜坐觀雲鶴，石上虛眠沐嶺風。
明目清心天道近，凡音雜念世途朦。
人間樂土知何處，左有澄湖右有峰。

深秋話別

張暢繁

景色撩人總是秋。燕鶯離去不回眸。
紅楓葉落添狂雨，瘦菊霜凝映白頭。
萬里長空傷聚散，多年美夢化哀愁。
來春有幸跨洋見，結伴雲山作暢遊。

初秋書懷

王顏鑄

萬里西風去復來。素花三地為誰開。
摩天樓市忙于火，落魄人潮轉似灰。
先富笑貧身是客，驚濤化沫骨成堆。
秋心莫共傷懷月，卻話紅雲映綠苔。

春日抒懷

夏曙芳

鵝黃嫩綠呈梢樹，粉紫花開鬧滿枝。
四季常規依運轉，人生變化按時移。
且將今日歡欣過，莫歎明朝病痛遲。
青少年華誠所羨，黃金歲月更當熙。

七七抗戰(用新韻)

許翼雲

日軍七七首尋釁，抗戰八年備苦辛。
前線男兒洒熱血，後方炸彈殺黎民。
千山盡是獸蹄跡，萬里咸為野鬼燐。
莊敬自強休懈怠，不容再受外人侵。

小園

王顏鑄

應是去年花。蜂禽處處家。
忍冬銅綠葉，代竹鉛籬笆。
飛燕出紅影，幽蘭傍碧霞。
小園當自好，相憶在天涯。

冬至懷古

劉平和

一陽冬至生，三國舊塵兵。
赤壁熊熊焰，長江滾滾聲。
方今耶誕季，隨處朔風聲。
魏武吟詩不？連天大雪羹。

海濱行

夏曙芳

藍天碧水浪淘沙。後湧前推到海涯。
君問吾家何處是？臺灣大陸美利加。

海邊渡假

林淳禎

海風掀浪撲沙來，岸上行人去又回。
依枕臥床觀日出，此番渡假實開懷。

鄧麗君

王顏鑄

商女流聲散世間。可憐君麗逝荒蠻。
若非笑貧爭先富，豈有知音為破顏。

夕陽絮語

王顏鑄

夕陽無限好，何懼近黃昏。
夜盡天方曙，夢殘花有根。

八聲甘州·吾輩外來人

張暢繁

異鄉尋夢歷盡艱辛，志高愧無錢。做工無綠卡，課餘賣力，苦不堪言。每嘆家園破碎，慮海峽烽煙。萬里傳書信，何日團圓？
逆境終成過去，安家兼創業，如鶴沖天。

逆境終成過去，安家兼創業，如鶴沖天。
望兒孫藝顯，奮發效先賢。故鄉行、情遷物換，祭祖先、淚滴斷碑前。功成退，填詞吟詠，樂享餘年。

兩同心·敬挽雨盒用山谷巧笑

眉顰韻

陳新雄

得耗眉顰。鎮日無神。隱隱似，心魂離竅，茫茫裏，霧罩煙塵。從今後，酒宴風懷，堪憶難親。
詩書早指迷津。和煦容人。昔日事，隨風飛去，雅調在，欲請書裙。花殘矣，哀思無窮，不再擎尊。

受恩深

周涓

寸草茵茵綠。嬌花鮮栩栩。柳絲垂耀萬千縷。暢茂沐暉光，秀媚競豔傳心語：仁德寬如許。綽綽受恩深，長享逸豫。
多難多災多喪沮。幸遇明師，冬去春來初旭。耳順獲新生，直前勇往無憂懼。清健彰鍾毓。越來越年輕，越添情趣。

臨江仙·汨羅悲風

李青瑾

橘頌離騷千古鑠，九歌奏舞東君。懷沙哀郢楚忠臣。悲回風折蕙，惜往日登雲。
異域遠遊誰與訴，涉江思美人頻。壁呵天問憤難陳。汨羅滄浪濯，惆悵獨招魂。

念奴嬌·御風蒼鷹步東坡赤壁韻

李青瑾

浪騰千疊，寂穹暎、今古關情何物。疾箭彎弓，滄海渡、飛越危崖峭壁。駭電驚雷，狂飆驟雨，更飽經霜雪。揚威寰宇，閱聞多少英傑！
無畏天地榮枯，縱迷茫壙壤，逍遙靡發。壽柏遐齡，棲巨石、肆目煙消雲滅。敏銳雙眸，珊珊軒翮煥，御風蒼髮。傲凌霄漢，鵬鴻同嘯山月。

註：贈別張鷹先生返臺履新，並與令尊壽齡，夫人敏珊，令兄鴻和鵬團聚。

鷓鴣天·悼念增瑞和慧娜之女瑜琪

李青瑾

古道熱腸播雅聲。脫離苦海上蒼冥。
牽情浪裡憐清影，別夢梁間繞錦箏。
乘白鶴，飲紅瓊。嬌顰淺笑歿猶生。
增光慧日瑜心淨，瑞草娜姿琪樹迎。

行香子·蕪湖插隊用東坡

一葉輕舟韻

季肇瑾

昨日年輕。無懼擔驚。蕪湖縣、插隊生平。早春栽稻，晚季圍汀。見長江急，魚舟過，鏡湖明。
棉花似雪，麥苗如屏。憶當年、茶種叢陵。蟹蝦豐盛，大米聞名。看赭山紅，黃池綠，弋江青。

注：我曾在安徽蕪湖縣黃池公社插隊八年。鏡湖和赭山是蕪湖兩大名景，弋江是長江支流，枯水期要挑圩固堤。

梧葉兒·近事二則

劉平和

一、德州印象
天空濶，海岸悠，小訪獨星州。
牛仔曾馳騁，農田每糶收，工業有籌謀。
風電站方興未休。

二、大海漏油
英油井，墨海灣，一爆瞬間癱。
善後需時日，除污究細寬，堵漏克艱難。
水晶殿祈人久安。

註：獨星州為德州俗稱，風力發電正盛。2010年4月20日墨西哥灣一座英國深海鑽油平台爆炸，每日漏油萬餘桶，迄仍搶修中。

四塊玉·特大風雪隨筆(續完)

劉平和

九、開市
電網來，人車動。百業初甦慶三重，藍天晴日滋堪擁。市漸開，路待通，雪未融。

十、萬物
一處災，三隅難。南半球熱團團，嚴寒酷暑均成患。誰有妙計無，能令四境全、萬物安？

華府詩友社網站：
www.classicalchinese poetry.com

--	--	--	--

